

- *1. صدر جمہوریہ درویدی مُرمونے 2047 توڑی ترقی یافتہ بھارت غو ہدف حاصل کرن غی خاطر اجتماعی کوششاں تے خواتین تے مردان غی بروبر شرکت ور زور پایو ہے ۔
- *2. کیندریہ گرہ منتری دکشتا پدک 2025 نال نوازیو گیا پولیس اہلکاراں نانہ مبارکباد دیتاں وان لیفٹنٹ گورنر نے کہیو ہے جے او پریشن مہا دیو انجام دین واسطے جموں کشمیر پولیس ور بر بھارتی نانہ فخر ہے ۔
- *3. کشمیر میراتھن مانہ جت حاصل کرن آلاں نانہ مبارکباد پیش کرتاں وان ایل جی نے کہیو جے یاہ میراتھن سیاحت تے نوجوانان غی ثقافت نانہ باہدو دے گی۔
- *4. کشمیر میراتھن غا دوجا شمارہ مانہ 1 ہزار 5 سو دوڑن آلاں نے شرکت کی ہے ۔ وزیر اعلیٰ عمر عبداللہ تے اداکار سنیل شیٹی نے میراتھن نانہ جھنڈی دس غے روانہ کیو۔
- *5. تاریخی دربار موو فر بحال ہونو ہے تے اس سلسلہ مانہ 4 بہراں غے بعد جموں مانہ پہلک دفتر کھلیں گا۔

Prez Development

صدر جمہوریہ درویدی مُرمونے مُلک غا ترقی یافتہ بنن غا عزم ور زور دتو ہے ۔ انہاں نے کہیو ہے جے سال 2047 تک اس ہدف نانہ حاصل کرن واسطے خواتین تے مردان غی بروبر شرکت غی ضرورت ہو سکے گی۔ اج ہریدوار مانہ پتنگلی یونیورسٹی غا دوجا کانو وکیشن غی تقریب نال خطاب کرتاں وان صدر جمہوریہ نے کہیو ہے جے 2047 توڑی ترقی یافتہ بھارت غا نظریہ نانہ عملی طور ور کر غے دسن واسطے اجتماعی کوشش ضروری ہیں۔ خواتین غی تعلیم غی اہمیت ور نوپاتاں وان صدر نے کہیو ہے جے پڑھی لکھی بیٹی مُلک غو سر فخر نال او چو کریں گی۔

LG Op Mahadev

لیفٹنٹ گورنر منوج سنہا نے جموں کشمیر پولیس غا ان اہلکاراں نانہ مبارکباد دتی ہے ، جنہاں نے آپریشن مہا دیو نانہ کامیابی نال انجام غی خاطر 2025 غا باوقار " کیندریہ گرہ منتری دکشتا پدک" نال نوازیو گیو ہے ۔ یا درہ جے آپریشن مہا دیو اک مشترکہ کاروائی تھی، جس غے دوران 22 اپریل نانہ پہلگام مانہ 26 سیلانیان غی بلاکت غا ذمہ دار 3 پاکستانی دہشت گردان نانہ مار مکایو گیو تھو۔ اک سوشل میڈیا پوسٹ مانہ ایل جی نے کہیو ہے جے بر بھارتی نانہ مہاری جموں کشمیر پولیس غا اہلکاراں ور فخر ہے۔ ان غی بہادری ، لگن تے بے مثال ہمت نانہ سرابتاں وان ایل جی نے کہیو ہے جے ان غی بہادری تے لگن پورا خطہ غا لوکاں نانہ متاثر کرے۔

LG Marathon

سرینگر غا خوبصورت پولو ویلو گرانوڈ تیں دوڑ مانہ حصولین آلاں غا جذبہ غی تعریف کرتاں واں لیفٹنٹ گورنر منوج سنہا نے اج دوجی کشمیر میراتھن 2025 نانہ جتن آلاں تے اس مانہ شرکت کرن آلاں نانہ مبارکباد پیش کی تے اس تقریب نانہ اتحاد ، نظم و ضبط تے لچک غو جشن قرار دتو۔ انہاں نے کہیو جے میراتھن لوکاں تے برادریاں بشکار اک پل غو کم کرے ، جھپڑی ترقی تے مشترکہ عزم غی علامت ہے ۔ اس تقریب نانہ انسانی ترقی تے اجتماعی قوت ارادی غو عکس قرار دیتاں واں ایل جی سنہا نے کہیو جے دوڑ جسمانی ، ذہنی تے جذباتی طاقت نانہ باہدو دئے۔ ایل جی نے کہیو۔ بانٹ۔۔۔

Dhruva Tara Asmita

ریجنل اے ڈبلیو ڈبلیو اے شمالی کمان اڈھم پور نے چناک کمپلیکس اڈھم پور مانہ "دھرو تارا اسمیتا 2025 غی تقریب غی میزبانی کی ۔ اس تقریب نے فوجیاں غی بیویاں تے ویرناریاں واسطے اپنی زندگی غا تجربات سانجھا کرن واسطے اک اہم پلیٹ فارم مہیا کیو۔ ان غی ہمت ، قربانی تے عزم دلی کہانیاں فوجی خواتین غی بہبودی بارے ایسوسی ایشن مانہ سانجھی کی گئیں تے ان نے اک دیر پا اثر چھوڑیو تے یہ کہانی ہر کسے نانہ زیتونی سبز رنگ غے پچھے طاقت غا ستون بنن غی ترغیب دینے۔ تقریب غی خاص گل یاہ تھی جے سائنس تے ٹیکنالوجی غا وزیر ڈاکٹر جتندر سنگھ غی اہلیہ منجو سنگھ اس موقع ور مہمان خصوصی تھیں۔

Grass Land Restoration

مال چوکھر نال جڑیا لوکاں غی طرز زندگی نانہ پائیدار بنان واسطے آرو ویلی پہلگام مانہ کہا چرائی علاقہ غی بحالی واسطے اک تربیتی پروگرام غو انعقاد کیو گیو ۔ ذراعت تحقیق بارے بھارتی کونسل چارہ غی تحقیق گا ادارہ یعنی آئی سی اے آر۔ آئی جی ایف آر آئی تے ذراعت بارے محکمہ کشمیر نے سانجھا طور ور اس تقریب غو انعقاد کیو، جس غو افتتاح ممبر قانون ساز الطاف احمد کلو نے کیو ۔ اس موقع ور ان نے سائنسی طور ور کہا چرائی غا انتظام ور زور پایو، ذراعت گا ڈائریکٹر سرتاج احمد نے چارہ غی پیداوار نانہ باہدو دین اور مال چوکھر غی معیشت نانہ مضبوط بنان واسطے ماہرین اور کساناں غا اشتراک ور لو کہلی۔ ذرائع ابلاغ نال گل کرتاں واں سرتاج احمد نے اس طرح کہیو۔ بانٹ۔۔ اسے سلسلہ مانہ گل کرتاں واں ممبر قانون ساز الطاف احمد کلو نے اس طرح کہیو۔ بانٹ۔۔۔

مزید خبراں نال محمد اکرم چودھری ور اس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گو ڈاٹ ان ور وی دستیاب ہیں، اس (تیں یہ خبر مہاری مو بائل ایپ تے ڈی ٹی ایچ ور وی دستیاب ہیں

Kashmir Marathon

سرینگر مانہہ کشمیر میراتھن 2025 مانہہ حصولین واسطے ہزاراں پُر جوش دوڑن آلا اکھٹا ہوا تھا تے کشمیر میراتھن 2025 نانہہ جموں کشمیر غا وزیر اعلیٰ عمر عبداللہ تے بالی ووڈ اداکار سُنیل شیٹی نے اج سویرے جھنڈی دس غے روانہ کیو۔ جموں کشمیر غا محکمہ سیاحت غے زیر اہتمام میراتھن مانہہ مکمل میراتھن 42 کلو میٹر، ادھی میراتھن 21 کلو میٹر تے شرکائی واسطے مختصر دوڑ وی شامل تھیں۔ 27 ریاستاں تے مرکزی انتظام علاقان غے نال نال 11 مُلکاں تیں دوڑن آلاں نے اس دوڑ مانہہ حصولیو۔ وزیر اعلیٰ عمر عبداللہ نے وی ادھی میراتھن مانہہ حصولیو تے اس نانہہ کامیابی نال مکمل کیو۔ یاہ تقریب نہ صرف کھیڈاں نانہہ باہدو دئے بلکہ کشمیر غا قدرتی مناظر نانہہ پیش کرے تے سیاحت نانہہ باہدو تے اس خطہ نانہہ کھیڈاں غی عالمی منزل غے طور ور جگہ دینے۔ نامہ نگاراں نال گل کرتاں واں بالی ووڈ اداکار سُنیل شیٹی نے کہیو۔۔ بانٹ۔۔

Darbar Move

چار سالان غے بعد دربار موو غا دفتر کل تیں سرمائی دارالحکومت جموں مانہہ دربارہ گھلن واسطے تیار ہیں۔ نیشنل کانفرنس حکومت نے حال ہی مانہہ سال مانہہ 2 بار دربار بدل غی روایت نانہہ بحال کیو ہے، تے اس سلسلہ مانہہ سرینگر تیں کم کرنا آلا تمام محکمان نانہہ سرمائی دارالحکومت جموں مانہہ منتقل کیو جا رہیو ہے۔ سرینگر مانہہ ہفتہ مانہہ 6 دن کم کرن آلا دفتر کل بند کر دتا گیا ہیں تے ہن جموں مانہہ دفتر گھلن نال حکومت غا 6 ماہ غا کم غو آغاز ہوئو ہے، جس غو مقصد وادی غا سخت ٹھنڈ غا مہینہ مانہہ انتظامی رسائی تے لگاتار کم کاج نانہہ برقرار رکھنویے تے کل جموں مانہہ دوبارہ تیں دربار موو دفاتر نانہہ بغیر کسے پریشانی کھولن غا انتظامات کیا جا رہیا ہیں۔

Parikarma Yatra

عقیدت تے جشن غا جذبہ نال چوتھی ویشنو دیوی پری کرما یا ترا نانہہ اج ایم ایل اے ریاسی کلدیپ راج دوبے نے جھنڈی دس غے روانہ کیو۔ اس تقریب مانہہ عقیدت منداں، مذہبی لیڈراں تے مقامی لوکاں غی اک بڑی تعداد نے شرکت کی تے بھجن گاتاں واں ماتا ویشنو دیوی غو اشیرواد حاصل کیو۔ اس موقع ور بولتاں واں ایم ایل اے ریاسی دوبے نے کہیو جے ویشنو پری کرما یا ترا اک اہم سالانہ تقریب بن گئی ہے، جھیڑی مُلک پھر غا عقیدت منداں مانہہ اتحاد تے جذبہ نانہہ مضبوط کرے۔ صحافیاں نال گل کرتاں واں جناب دوبے نے کہیو۔۔ بانٹ۔۔
